



ATASSUT

UKA 2016/78

Siverth K. Heilmann

03. 10. 2016

Inatsisartunut aalajangiiffigisassatut siunnersuutigineqarpoq Naalackersuisut peqquneqassasut Inatsisartut peqqussutaata nr. 12, 19. November 2007-imeersup Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu, aalajangersakkat allanngortinneqassasut ilaqutariit ataatsit illui tuniniaanermi akitinneqartut kisiisa atorlugit tiguneqarsinnaalersillugit.

(Inatsisartunut ilaasortaq Steen Lyngø, Atassut)

ATASSUT-mit inatsisartunut ilaasortaaitatta Steen Lyngø-p aalajangersakkat ilaqutariit ataatsit illui tuniniaanermi akigitinneqartut kisiisa atorlugit tiguneqarsinnaalersinnissaanut allannguinissamut siunnersuutaanut imatut partii ATASSUT sinnerlugu oqaaseqassaagut:

Siullertut ATASSUT-mit oqaatigissavarput matumani siunnersuutip saqqummiunneqartup siunertaa paasilluaratsigu - tassalu inuiaqatigiinni assigiimmik periarfissaqartitsinissamik ujartuineq aammalu inuiaqatigiit pigisaannik sapinngisamik aki pitsaanerpaaq atorlugu nunattalu karsianut annaasaqaataanngitsumik ingerlatsisoqarnissaanik aqutissiuusseruysunneq, aammalu inatsisitigut sinaakutissat erseqqissuullutik tamanut assigiimmik periarfissaqartitsisuunissaannik tunngavisseerusunneq minnerunngitsumillu aamma ”ikinngusersornermik” pasilliisinnaanermut tunngavissaasinnaasut peersikkumallugit.

Naalackersuisut akissuteqarneranni imatut siunnersuut paasinerlunneqarsimavoq - ”attartortumiit piginnittumut” aqqqissuussinermi inigisamik attartortup attartukkaminnik piginnittunngorsinnaajunnaarnissaa - uagut paasisagut naapertorlugit taamaanngilaq!

Inatsisartunut ilaasortap Steen Lynge-p uani siunnersuummi ujartugarivaa inimik attartortut attartukkaminnik piginnittunngorusukkunik taava nalussanngikkaat niuernermi atugassarititat atorlugit aki pitsaanerpaaq ujartorlugu niuerutigineqassasoq, taamaattumik aamma inimik attartortut nalussanngilaat inigisimasaminnut neqeroortoqarsinnaasoq allanik, taamaasillutillu ini attartugartik siumut qulakkeereersinnaanngilaat ilumut pigilersinnaassanerlugu - unammilleqatigiinneq aallaavigineqassammat.

Tamatumap soorunami taava malitsigisariaqassavaa inimut attartukkamut allamut nuuttariaqalersinnaaneq, inigisamut akimik pitsaanerumik allamiit neqeroortoqassappat - tamannalu isumaqarpugut ataatsimiitsitaliami nalilersorneqartariaqartoq.

Naalackersuisut akissuteqarnerminni oqaatigivaat matumani siunnersuut piviusunngortinneqassagaluarpas, taava attartortut namminneq piginnittunngorsinnaanerat periarfissaajunnaassasoq - tamatumunngali ATASSUT-mit isumaqataanngilagut, matumani allat attartortuusut periarfissaqalersinnaaneri mattunneqarnaviannngimmat, taamaattumik tamanna aporfissatut tikkuarneqarnera isumaqataaffiginnngilarput. Soorunami ataatsimiitsitaliami nalilersorneqartariaqarpoq tamatumap qanoq aaqqissuunneqarsinnaanera, aporfittut naliliinnarnagu.

Taamatut ATASSUT-mit Inatsisartunut ilaasortaaqatitta Steen Lynge-p siunnersuutaanut tapersiilluta oqaaseqarnitsinni, kaammattuutigissavarput siunnersuutip Inatsisartuni ilassilluarneqarumaartoq pingaaruteqarluinnarmat naalackersuinikkut sulinitanni aamma unneqqarissusermik apeqquserneqarsinnaanngitsumik ingerlatsisoqarnissaa, minnerunngitsumillu aamma innuttaasut assigiinnik periarfissaqartitaanissaat pingaaruteqarluinnarmat.

Siunnersuutip aappassaaneeraneqannginnerani sukumiisumik suliarineqarnissaa siunertaralugu innersuussutigissavarput inatsisartut ataatsimiitsitaliaannut susassaqtumut ingerlateqqinneqarnissaa.

Qujanaq!